



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlm LXVIII. Intimâsti.

---

[urn:nbn:de:hbz:466:1-62587](#)

## Intimasti.

## PARAPHRASIS.

Gregorius IX. mandauerat inquisitionem fieri de Hospitalariis, Inquisitores autem, ignorantibus illis, facta inquisitione, neque eius processus copia traditâ, relationem ad Pontificem miserunt; id vero perperam actum esse Pontifex ait, cum secundum Cæsareas leges, quoties se Index relaturum pollicetur, litigantibus apud acta judicij exemplum relationis edere cogatur.

## SUMMARIUM.

1. Ex quibus causis iudex controversiam vel articulum controversia judicialis transmittere possit.
2. Index articulum causa dubium ad Principem referre volens, debet Relationis copiam partibus edere & petere, ut in eam consentiant, ijs contradicentibus, relationi fiducia non habetur.

**A**duerte quod pluribus ex causis Index controversiam vel articulum controversia judicialis transmittere potest.

1. Quia est negotium superiori specialiter reservatum c. 3. de bapt. c. Ut debitus. 59. hoc. tit.
2. Quia Superior tali forma causam delegavit, ut ea cognita & instruta ad ipsum remittatur c. Cum Bertold. 18. de sententia & ro-  
judicata; interdum vero Superior delegat causam sub disjunctione & optione reliqua delegato, ut vel ipse definiat, vel instructam ad Superiorem mittat.
3. Si Iudex proprio motu causam vel articulum causæ, quia ardua, aut valde dubia est ad Superiorem consultationis ergo referat, de quo est tit. C. de relationibus. & tit. noster de appellat. & relationibus.

2. Not. Vnic. Si Iudex articulum dubium causæ ad Principem referre velit, relationem partibus edere, seu copiam relationis tradere debet, ac petere ut in eam consentiant l. 2. C. eod. hoc casu, hoc ipso, quod non contra dicant relationi, approbare eam censentur, teste *Alexandro. bīc. n. 25.* nam

tacens consentire videtur, si non coasentire velint, contradicere debent, ut docui l. 1. tract. 2. c. 3. n. 3. si autem contradictant relationi, tunc ea fidem non facit, nisi quantum ea, quæ referuntur, ex actis cognosci possant, quamobrem acta ipsa una cum compendiosa relatione mitienda erunt. l. vlt. C. eod. vide quæ dixi in rubrica huius tit.

## CAPITULUM LXIX.

## Significante.

## PARAPHRASIS.

Decanus & Capitulum Magdunense Iudices impetrarunt à Pontifice contra Episcopū Aurelianensem, volentes ipsi jus non competere, ut laniones eius carnes in aliis locis vendant, quam in tabernis eorum, cum autem Decanus & Capitulum coram delegatis comparuissent, Iudicum officium implorarunt, quoniam Episcopus post citationem carnes aliis in locis vendi mandauerit, ut, quod factum est, in statum pristinum restituatur. Sed ex Episcopi parte propositum fuit, cum lis super causa contestata non dum sit, huic Iudicis officii implorationi locum non esse. Adiiciebatur, quod cum ex partium consensu dies à Iudicibus ad litigandum destinatus sit, idemque usque ad illum diem judicium solutum sit, non posse Iudices terminum præueniendo partem aduersariam absque ambarum partium consensu audire. Sed quia Iudices oppositiones istas admittere noluerunt, Episcopus ad Papam appellauit, & idcirco Procuratorem misit ad appellationem intra annum prosequendam. Verum Procurator circumuentus, ut credibile est, contra Episcopi inhibitionem literas impretravit ad Iudices quosdam suspectos Episcopo, quare ipse literis iis uti noluit, sed non obstante anni lapsu ad appellationis prosecutionem admitti petiit, tum Gregor. IX. quibusdam delegatis mandat, si ipsis de inhibitione, atque de causis appellationis, vel altera earum constiterit,

cccc 3

in